

女科仙方二



女科仙方卷二目錄共三十九條四十一症四十一

妊娠

惡阻嘔吐益氣湯

浮腫加減補中益氣湯

少腹疼安奠二天湯

口乾咽疼潤燥安胎湯

吐瀉腹疼援土固胎湯

子懸脇疼解鬱湯

跌損救損安胎

胎漏助氣補漏湯

子鳴扶氣止啼湯

腰腹疼渴汗燥狂卽子狂息焚安胎湯

中惡消惡安胎湯

多怒墮胎利氣洩火湯

小產

行房不慎固氣填精湯

跌閃理氣散瘀湯

大便乾結加減四物湯



畏寒腹疼黃芪補氣湯

大怒引氣歸血湯

難產

血虛送子丹

交骨不開降子湯

脚手先下轉天湯

氣逆舒氣湯

子死產門救母湯

子死腹中療兒散



正產

胞衣不下送胞湯 補中益氣湯

氣虛血暈補氣解暈湯

血暈不語刺眉心穴法 當歸補血湯

獨參湯

敗血攻心暈狂安心湯

腸下補氣升腸湯 萆麻仁提法

產後

少腹疼血瘀散結定疼湯 血虛腸寧湯

氣喘救脫活母湯



惡寒身顫十全大補湯

惡心嘔吐溫腎止嘔湯

血崩救敗求生湯

手傷胞胎淋漓不止完胞湯

四肢浮腫轉氣湯

肉線出兩收湯

肝痿收膜湯

氣血兩虛乳汁不下通乳湯

鬱結乳汁不通通肝生乳湯



寧波中醫藥大學圖書館版權所有

妊娠

女科仙方卷二

陽曲傅青主徵君手著


妊娠惡阻三十九

婦人懷娠之後惡心嘔吐思酸解渴見食憎惡困倦欲卧人皆曰妊娠惡阻也誰知肝血亦燥乎夫婦人受妊本於腎氣之旺也腎旺是以攝精然腎一受精而成娠則腎水生胎不暇化於五臟而肝爲腎之子日食母氣以舒一日無津液之養則肝氣迫索而腎水不能應則肝益急肝急則火動而逆也肝氣旣逆



北京中醫藥大學圖書館藏

是以嘔吐惡心之症生焉。嘔吐縱不至太甚。而其傷氣則一也。氣既受傷。則肝血愈耗。世人用四物湯治胎前諸症者。正以其能生肝之血也。然補肝以生血。未爲不佳。但生血而不知生氣。則脾胃衰微。不勝加嘔。山恐氣虛。則血不易生也。故於平肝補血之中。加以建脾開胃之品。以生陽氣。則氣能生血。尤益胎氣耳。或疑氣逆而用補氣之藥。不益助其逆乎。不知妊娠惡阻。其逆不甚。且逆是因虛而逆。非因邪而逆也。因邪而逆者。助其氣而逆增。因虛而逆者。補其氣則



逆轉。況補氣於補血之中。則陰足以制陽。又何病
增逆乎。宜用順肝益氣湯。

人參一兩

當歸

一兩酒洗

蘇子

一兩兩腎用炒研錢

白朮

三錢炒

茯苓二錢

熟地

五錢酒蒸

白芍

三錢酒炒

麥冬

三錢去心

陳皮三分

砂仁

一粒炒研

神麴

一錢炒

水煎服。一劑輕。二劑平。三劑全愈。此方平肝則肝

逆除。補腎則肝燥息。補氣則血易生。凡胎病而少

帶惡阻者。俱以此方投之。無不安。最有益於胎婦

其功更勝於四物焉。

亦有肝鬱氣滯。胸膈膨悶。見食不惡。不能多食。雖係妊娠。而非惡阻。宜分別治之。後另有方。

蘇子降氣。不可多用一兩。疑是一錢之誤。

疎肝化滯湯。能解鬱進食。全當歸酒洗六錢。

杭芍

酒炒三錢。黨參去蘆三錢。白扁豆去皮三錢。雲苓

二錢。香附炒焦二錢。砂仁炒研錢半。條芩炒焦八

分。神麴炒焦錢半。廣皮八分。薄荷六分。甘草五分。

水煎服。



妊娠浮腫四十

妊婦有至五個月。肢體倦怠。飲食無味。先兩足腫。漸至遍身。頭面俱腫。人以為濕氣使然也。誰知是脾虛。氣虛乎。夫妊娠雖有按月養胎之分。其實不可拘以月數。總以建脾補腎為大綱。蓋脾統血。肺主氣。胎非血不蔭。非氣不生。脾健則血旺而蔭胎。脾清則氣旺而生子。苟肺衰則氣餒。氣餒則不能運氣於皮膚矣。脾虛則血少。血少則不能運血於肢體矣。氣與血兩虛。脾與肺失職。所以飲食難消。精微不化。勢必至氣

血下陷不能升舉。而濕邪即乘其所虛之處。積而成浮腫症。非由脾肺之氣血虛而然耶。治法當補其脾之血。與肺之氣。不必祛濕。而濕自無不去之理。用加減補中益氣湯。

人參 五錢

黃芪

三錢 生用

柴胡 一錢

甘草

當歸

三錢 酒洗

白朮

五錢 土炒

茯苓 一兩

升麻

三錢

陳皮 三分

水煎服。四劑即愈。十劑不再犯。夫補中益氣湯之立法也。原是升提脾肺之氣。似乎益氣而不補血。



然而血非氣不生。是補氣卽所以生血。觀當歸補血湯。用黃芪爲君。則較著彰明矣。況濕氣乘脾。肺之虛而相犯。未便大補其血。恐陰太盛而招陰也。只補氣而助以利濕之品。則氣升而水尤易散。血亦隨之而生矣。然則何以重用茯苓而至一兩。不幾以利濕爲君乎。嗟嗟。濕症而不以此藥爲君。將以何者爲君乎。況重用茯苓於補氣之中。雖曰滲濕。而仍是健脾清肺之意。且凡利水之品。多是耗氣之藥。而茯苓與參朮合。實補多於利。所以重用。

之以分濕邪。卽以補氣血耳。

白朮一味。今多以蒼朮充之。於白朮僞者更多。白朮補胎。蒼朮打胎。用者宜審。若恐其僞。以白朮代。較妥。二朮氣味不同。臭之可辨。



妊娠少腹疼 四十一

妊娠少腹作疼。胎動不安。如有下墮之狀。人
脉無力也。誰知是脾腎之虧乎。夫胞胎雖繫於
而帶脉實關於脾腎。脾腎虧損。則帶脉無力。胞
無以勝任矣。況人之脾腎虧損者。非飲食之過傷。
色慾之太甚。脾腎虧則帶脉急。胞胎所以有下墮之
狀也。然則胞胎之系。通於心與腎。而不通於脾。補腎
可也。何故補脾。然脾爲後天。腎爲先天。脾非先天之
氣不能化。腎非後天之氣不能生。補腎而不補脾。則



腎之精何以遽生也。是補後天之脾。正所以補先天之腎也。補先後二天之脾與腎。正所以固胞胎之氣與血。脾腎可不均補乎。方用安奠二天湯。

人參

一兩
去蘆

熟地

一兩
九蒸

白朮

一兩
土炒

山藥

五錢
炒

山萸

五錢
去核

炙草

一錢

杜仲

三錢
炒黑

枸杞

一錢

扁豆

二錢
去皮

水煎服。一劑而疼止。二劑而胎安矣。夫胎動乃脾腎雙虧之症。非大用參朮熟地。補陰補陽之品。斷不能挽回於頃刻。世人往往畏用參朮。或少用以

冀建功所以寡效此方正妙在多用也。

人參一兩無力者以黨參代之無土黨參黃芪代之。

